

摘藻堂四庫全書薈要

史部

欽定四庫全書薈要

史部

直齋書錄解題卷十

四 二至

詳校官員外郎臣潘紹觀



欽定四庫全書薈要卷九千七百十八

史部

直齋書錄解題卷十二

宋

陳振孫

撰

神仙類

劉仙傳二卷

漢劉向撰凡七十二人每傳有贊似非向本書西漢

人文章不爾也館閣書目三卷六十二人崇文總目
作二卷七十二人與此合

周易參同契三卷

後漢上虞魏伯陽撰其書因易以言養生後世言修鍊者祖之

參同契分章通真義三卷明鏡圖訣一卷

真一子彭曉秀川撰蜀永康人也序稱廣政丁未以參同契分十九章而為之注且為圖八環謂之明鏡圖曩在麻姑山傳錄其末有秀川傳汪綱會稽所刻本其前題祠部員外郎彭曉蓋據秘閣本云爾麻姑本附傳亦言仕蜀為此官

參同契攷異一卷

朱熹撰以其詞韻皆古奧雅難通讀者淺聞妄輒更改比他書尤多舛誤合諸本更相讎正其諸同異皆並存之

金碧古文龍虎上經一卷

不著名氏麻姑所錄本無金碧字

黃庭內景經一卷外景經一卷

案文獻通攷作三卷

務成子注是南嶽魏夫人所受者魏舒之女也

真誥十卷

梁華陽隱居陶弘景撰述楊羲許邁許玉斧遇仙真傳受經文等事

參同契解一卷

題紫陽先生不知何人

內景中黃經一卷

案文獻通攷作二卷

題九仙君撰中黃真人注亦名胎藏論

靈樞金鏡神景內經十卷

稱扁鵲注

上清天地宮府圖經二卷

唐司馬子微撰

中誠經一卷

稱黃帝赤松子問答蓋假託也

幽傳福善論一卷

唐孫思邈撰

元綱論一卷

唐中岳道士吳筠撰

續仙傳三卷

唐溧水令沈汾撰或作玠

道教靈驗記二十卷

蜀道士杜光庭撰

王氏神仙傳一卷

案文獻通考作四卷

杜光庭撰當王氏有國時為此書以媚之謂光庭有

道吾不信也

西山羣仙會真記五卷

九江施肩吾希聖撰唐有施肩吾能詩元和中進士也而曾慥集仙傳稱呂巖之後有施肩吾者撰會真記蓋別是一人也

鍾呂傳道記三卷

施肩吾撰叙鍾離權雲房呂巖洞賓傳授論議

養生真訣一卷

虞部員外郎耿肱撰大中祥符時人

雲笈七籤一百二十四卷

案文獻通攷作一百二十卷

集賢校理張君房撰凡經法符籙修養服食以及傳記無不畢錄祥符中君房貶官會推崇聖祖朝廷以祕閣道書付杭州俾戚綸等校正王欽若薦君房專其事銓次為此書項於莆中傳錄纔二冊蓋畧本也後於平江天慶道藏得其全錄之

靈樞道言發微二卷

朝議大夫致仕傅燮撰進專言火候

金液還丹圖論一卷

不著名氏自稱元真蓋宣和中道流也

悟真篇集注五卷

天台張伯端平叔撰一名用成熙寧中遇異人於成都所著五七言詩及西江月百篇末卷為禪宗歌頌以謂學道之人不通性理獨修金丹則性命之道未全有葉士表袁公輔者各為之注

還丹復命篇一卷

毗陵僧道光撰亦擬悟真詩篇靖康丙午序

道樞二十卷

曾慥端伯撰慥自號至游子采諸家金丹大藥修鍊
般運之術為百二十二篇初無所發明獨黠採御之
法以為殘生害道云

集仙傳十二卷

曾慥撰自岑道願而下一百六十二人

肘後三成篇一卷

稱純陽子謂呂洞賓也其言小成七中成六大成五
皆導引吐納修鍊之事

日月元樞篇一卷

稱劉知古唐明皇時緜州昌明縣令

太白還丹篇一卷

稱清虛子太白山人唐貞元時人

太清養生上下篇二卷

稱赤松子甯先生

上清金珀篇一卷

稱煙蘿子

金虎鉛汞篇一卷

稱元君

鉛汞五行篇一卷

稱探元子已上七種共為一集

玉芝書三卷

朝元子陳舉撰上卷論五篇中為詩八十一首下為

賦九道

純陽真人金丹訣一卷

即前所謂三成篇微不同

華陽真人祕訣一卷

稱施肩吾

呂真人血脉論一卷

稱傅婁景先生

遠山崔公入藥鏡三卷

不知何人

四象論一卷

稱老子

真仙傳道集三卷

案此條疑
脫解題

參同契三卷

即魏伯陽書題九華子編

巨勝歌一卷

道士柳沖用撰

逍遙子通元書三卷

不知姓名但曰逍遙子

百章集一卷

稱魏伯陽

案此條原本脫去今據文獻通攷補入
與後條所云已上十八種其數乃符

許先生十二時歌一卷

不知其名

黃帝丹訣玉函秘文一卷

文林郎蒲庚進

呂公密頭坯歌一卷

以陶器為喻也

太上金碧經一卷

題魏伯陽注

金鏡九真玉書一卷

無名氏

龍虎金液還丹通元論一卷

稱羅浮山蘇真人撰

金碧上經古文龍虎傳

長白山人元陽子注皆莫知何人已上十八種共為
一集其中有龍牙頌及天隱子各已見釋氏道家類
羣仙珠玉集一卷

其序曰西華真人以金丹刀圭之訣傳張平叔作悟
真篇以傳石得之薛道光陳泥丸至白玉蟾玉蟾者
葛其姓福之閩清人嘗得罪亡命蓋姦妄流也余宰
南城有寓公稱其人云近嘗過此識之否余言不識

也此輩何可使及吾門李士寧張懷素之徒皆殷監
也是以君子惡異端

釋氏類

金剛般若經一卷

姚秦三藏鳩摩羅什譯

石本金剛經一卷

南唐保大五年壽春所刻乾道中劉岑季高再刻於
建昌軍不分三十二分相傳以為最善

六譯金剛經一卷

此經前後六譯各有異同有弘農楊顓者集為此本

太和中中貴人楊永 and 集右軍書

案文獻通攷作承和

刻之興

唐寺

圓覺了義經十卷

唐罽賓佛陀多羅譯

華嚴經八十一卷

唐于闐實叉難陀譯

萬行首楞嚴經十卷

唐天竺般刺密諦烏長國彌迦釋迦譯語宰相房融
筆受所謂譯經潤文者也

維摩詰所說經一卷

案文獻通攷作十卷

鳩摩羅什譯

維摩經一卷

蘇轍所書

楞伽經四卷

有宋魏唐三譯宋譯四卷唐譯七卷正平張戒集注
蓋以三譯參校研究得舊注本莫知誰氏頗有倫理
亦多可取句讀遂明白其八卷者分上下也

四十二章經一卷

後漢竺法蘭譯佛書到中國此其首也所謂經來白
馬寺者其後千經萬論一大藏教乘要不出於此中
國之士徃徃取老莊之遺說以附益之者多矣

遺教經一卷

佛涅槃時所說唐碑本以下三種同

阿彌陀經一卷

唐陳仁稔所書刻於襄陽

金剛經一卷

唐武敏之所書在長安

金剛經一卷

唐鄔彤所書在吳興墨妙亭

羅漢因果識見頌一卷

天竺閣那多迦譯首有范仲淹序言宣撫河東得於
傳舍藏經所未錄者十六羅漢為比丘摩拏羅等說

六祖壇經一卷

案文獻通
攷作三卷

僧法海集

宗門統要十卷

建谿僧宗永集

法藏碎金十卷

太子少傅晁迥撰

景祐天竺字源七卷

僧惟淨等集進

案文獻通攷
惟淨作相淨

以華梵對翻有十二轉

聲三十四字母各有齒牙舌喉唇五音仁宗御製序
鏤板頒行吳郡虎丘寺有賜本如新己亥借錄

金園集三卷

錢塘天竺僧遵式撰

天竺別集三卷

遵式撰世所謂式讖主者也

華嚴合論法相撮要一卷

青谷真際禪師

案真際原本作真除
今據文獻通攷改正

以唐李長者通

元合論撮其要義手彙為圖

僧寶傳三十卷

案文獻通攷
作三十二卷

僧惠洪撰

道院集要三卷

戶部尚書三槐王右敏仲撰以毘迴法藏碎金耄智
餘書刪重集粹別為此編

禪宗頌古聯珠集一卷

僧法應編

嘉泰普燈錄三十卷

僧正受編三錄大抵與傳燈相出入接續機緣語句
前後一律先儒所謂遁辭也然本初自謂直指人心
不立文字今四燈總一百二十卷數千萬言乃正不
離文字耳

雪峰廣錄二卷

唐真覺大師義存語丞相王隨序之隨及楊大年皆
號參禪有得者也

大慧語錄四卷

僧宗杲語其徒道謙所錄張魏公序之

兵書類

六韜六卷

武王太公問答其辭鄙俚世俗依託也

司馬法一卷

齊司馬穰苴撰

孫子三卷

吳孫武撰漢志八十一篇魏武帝削其繁冗定為十三篇世之言兵者祖孫氏然孫武事吳闔廬而不見於左氏傳未知其果何時人也

吳子三卷

魏吳起撰

尉繚子五卷

六國時人案漢志雜家有二十九篇兵形勢家又有三十一篇今書二十三篇未知果當時本書否

黃石公三略三卷

世傳張子房受書圯上老人曰濟北穀城山下得黃石即我也故遂以黃石為圯上老人然皆傳會依託也

黃石公素書一卷

亦依託也

李衛公問對三卷

唐李靖對太宗亦假託也文辭淺鄙尤甚今武舉以七書試士謂之武經其間孫吳司馬法或是古書三略尉繚子亦有可疑六韜問對偽妄明白而立之學官置師弟子伏而讀之未有言其非者何也何遠春渚紀聞言其父去非為武學博士受詔校七書以六韜問對為疑白司業朱服服言此書行之已久未易遽廢遂止後為徐州教授與陳師道為代師道言聞

之東坡世所傳王通元經關子明易傳及李靖問對
皆阮逸偽撰逸嘗以草示奉常公云奉常公者老蘇
也

注孫子二卷

唐中書舍人杜牧之撰

閩外春秋十卷

唐少室山布衣李筌撰起周武王勝殷止唐太宗擒
竇建德明君良將戰爭攻取之事天寶二年上之

風后握奇經一卷

永嘉薛士龍季宣校定自晉馬隆三百八十四字續
圖三百十五字合標題七百字又有馬隆讚述多所
發明并寫陳圖於後馬隆本奇作機

三畧素書解一卷

呂惠卿吉甫撰

三朝經武聖畧十五卷

天章閣侍講王洙撰

案文獻通攷載晁氏說稱曾公亮丁度撰下文又有是時洙奉

詔云云未
知何據

寶元中上進凡十七門後五卷為奏議中

興書目云十卷李淑書目十五卷今本與邯鄲卷數

同

武經總要四十卷

天章閣待制曾公亮等撰制度故事各十五卷邊防
占候各五卷昭陵御製序慶歷四年也

百將傳十卷

清河張預集進凡百人每傳必以孫子兵法斷之

熙寧收復熙河陣法三卷

觀文殿學士九江王韶子純撰

武經龜鑑二十卷

保平軍節度使王彥撰隆興御製序其書以孫子十三篇為主而用歷代事證之

渭南秘訣一卷

昭武謝淵得之於瀘州蓋武侯八陣圖法也為之注釋而傳於世

補漢兵制一卷

錢文子撰

陰符元機一卷

即陰符經也監察御史新安朱安國注此書本出於
李筌云得於驪山老姥舊志皆列於道家安國以為
兵書之祖要之非古書也

兩漢兵制一卷

建安王玲器之撰

制勝方略三十卷

修武郎楊肅德欽撰自左氏傳而下迄於陳隋用兵
事迹慶元丁巳序

漢兵編二卷辨疑一卷

姑蘇潘夢旂天錫撰

歷象類

周髀算經二卷音義一卷

題趙君卿注甄鸞重述李淳風等注釋周髀者蓋天

之書也稱周公受之商高而以句股為術故曰周髀
唐志有趙嬰甄鸞注各一卷李淳風釋二卷今曰君
卿者豈嬰之字耶中興書目又云君卿名爽蓋本崇
文總目然皆莫詳時代甄鸞者後周司隸也音義者
假承務郎李籍撰

星簿讚歷一卷

唐志稱石氏星經簿讚館閣書目以其有徐穎婺台
等州名疑後人附益今此書明言依甘石巫咸氏則

非專石申書也

乙巳占十卷

唐太史令岐陽李淳風撰起算上元乙巳故以名焉

玉歷通政經三卷

李淳風撰亦天文占也唐志無之

乾坤變異錄一卷

不著名氏雜占變異凡十七篇

古今通占三十卷

唐嵩高潛夫沛國武密撰纂集黃帝巫咸而下諸家
及隋以前諸史天文志為此書景祐乾象新書間取
其說中興館閣書目作古今通占鏡本唐志云爾
景祐乾象新書三十卷

司天春官正楊惟德等撰

案文獻通考惟作雄

以歷代占書及

春秋至五代諸史采摭撰集元年七月書成賜名仍
御製序

大宋天文書十五卷

不著名氏館閣書目亦無之意其為太史局見今施用之書蓋供報占驗大抵出此

天經十九卷

同州進士王及甫撰進

案文獻通攷撰字下無進字

不知何人其

書定是非協同異由博而約儒者之善言天者也

天象法要二卷

原註天象當作儀象

丞相溫陵蘇頌子容撰元祐三年新造渾天成記其法要而圖其形象進之

歷代星史一卷

不著名氏鈔集諸史天文志

天文攷異二十五卷

昭武布衣鄒淮撰大抵襲景祐新書之舊淮後入太

史局

二十四氣中星日月宿度一卷

此書傳之程文簡家云得於荆判局荆名大聲太史

局官也

天象義府九卷

宜黃布衣應屋撰其書攷究精詳論議新奇而多穿鑿傳會象垂於天其曰某星主某事者人實名之也開闢之初神聖在御地天之通未絕其必有得於仰觀俯察之妙者故曰天垂象聖人則之夫天豈諄諄然命之乎如必一切巧為之說而以為天意實然則幾於矯誣矣

官厯刻漏圖一卷蓮花漏圖一卷

太常博士王普伯照撰

唐大衍歷議十卷

唐僧一行作新歷草成而卒詔張說與官歷陳元景等次為歷術七篇略例一篇歷議十篇新史志略見之十議者一歷本二日度三中氣四合朔五卦候六九道七日晷八分野九五星十日食大抵皆以致正古今得失也歷志略取其要著於篇者十有二曰歷本曰中氣曰合朔曰卦候曰卦議曰日度曰九道曰

日食曰五星蓋厯議之八篇而分卦候為二故共為
九條其沒滅盈縮晷漏中星三條則皆取之略例餘
厯議日晷分野二篇則具之天文志嘉定辛未辭科
用為序題有劉澹如者嘗得其書自詭必在選中而
攷官但据史文初不知此書尚存於世也以其篇次
與史文不合黜之要之史官因此書以述志攷官因
史志以命題當以此書為本而參攷志之所載乃為
全善

郭雍撰集古歷通議論諸家歷云一行作歷上自劉
洪之斗分下及淳風之總法前後五百餘年諸家所
得歷術精微之法集其大成以作開元歷此其所以
前無古人後無來者可謂盡善盡美矣是以自寶應
之後以迄於今幾五百年皆宗之而不能易語以上
古聖人之術則又有間矣

隨齋
批注

崇天歷一卷

司天夏官正權判監宋行古等撰天聖二年上學士

晏殊序國初有建隆應天厯次有乾元厯儀天厯詳見三朝史志 太祖建隆應天太宗太平興國乾元真宗咸平儀天仁宗天聖崇天

紀元厯三卷立成一卷

案原本脫去立成一卷今據文獻通攷補入

姚舜輔撰崇寧五年成自崇天之後有明天厯熙寧奉元厯元祐觀天厯至崇寧三年舜輔造新厯曰占天未幾蔡京又令舜輔更造用帝受命之年即位之日元起庚辰日命己卯上親製序頒之天下賜名紀

元本朝承平諸厯略具正史志不見全書此二厯近得之蜀人秦九韶道古故存之 英宗治平明天熙

寧元年復崇天熙寧七年奉元哲宗元祐觀天徽宗崇寧紀元

統元厯一卷

常州布衣陳得一更造秘書少監朱震監視紹興五年上厯家不以為工 高宗紹興統元二十二年以後用紀元

會元歷一卷

夏官正劉孝榮造禮部尚書李璫序

案文獻通攷璫作璫

紹熙

元年也孝榮判太史局凡造三歷此其最後者勝前遠矣孝宗乾道歷淳熙歷光宗紹熙會元歷

統天歷一卷

案統天歷卷數原本闕今據文獻通攷補入

冬官正楊忠輔撰丞相京鏜表進其歷議甚詳至於星度明言不曾測驗無候簿可以立術最為不欺紹熙五年也其末有神殺一篇流於陰陽拘忌則為俚

俗 寧宗慶元統天

開禧厯三卷立成一卷

大理評事鮑澣之撰進時開禧三年詔附統天厯推算至今頒厯用統天之名而實用此厯當時緣金人閏月與本朝不同故於此厯加五刻天道有常而造術以就之非也大抵中興以來雖屢改厯而日官淺鄙不知厯象之本但模襲前厯而於氣朔皆一時遷就爾

金大明歷一卷

金大定十三年所為也其術疎淺無足取積年三億
以上其拙可知然統天開禧改歷皆緣朝論以北歷
得天為疑貴耳賤目由來久矣實不然也

數術大略九卷

魯郡秦九韶道古撰前世算術自漢志皆屬歷譜家
要之數居六藝之一故今解題列之雜藝類惟周髀
經為蓋天遺書以為歷象之冠此書本名數術而前

二卷大衍天時二類於治歷測天為詳故亦置之於此秦博學多能尤邃歷法凡近世諸歷皆傳於秦所言得失亦悉著其語云

陰陽家類

自司馬氏論九流其後劉歆七畧班固藝文志皆著陰陽家而天文歷譜五行卜筮形法之屬別為數術畧其論陰陽家者流蓋出於羲和之官欽若昊天歷象日月星辰拘者為之則牽於

禁忌泥於小數至其論數術則又以為義和卜
史之流而所謂司星子韋三篇不列於天文而
著之陰陽家之首然則陰陽之與數術亦未有
以大異也不知當時何以別之豈此論其理彼
具其術耶今志所載二十一家之書皆不存無
所攷究而隋唐以來子部遂闕陰陽一家至董
道藏書志始以星占五行書為陰陽類今稍增
損之以時日祿命遁甲等備陰陽一家之闕而

其他數術各自為類

景祐遁甲玉函符應經二卷

司天春官正楊惟德撰御製序

景祐太一福應集要十卷

楊惟德撰御製序末題紹興元年嵩陽潛士魏郡劉
箕其積算自建炎三年己酉推之者其所附益也九
宮八門與遁甲相表裏字多訛未有他本可校

陰陽二遁圖局一卷并雜訣

三元立成圖局二卷

遁甲八門機要一卷

太一淘金歌一卷

以上四種皆無名氏得之盱江吳炎

遁甲選時圖二卷

紹興府所刻本亦無名氏

廣濟陰陽百忌歷二卷

稱唐呂才撰有序案才序陰陽書其三篇見於本傳

曰祿命曰卜宅曰葬

案呂才傳其叙陰陽書見於本傳者三篇曰卜宅曰祿命曰葬

此云一篇誤今改正

盡掃世俗拘滯之論安得復有此歷本初

固已假託後人附益尤不經

三歷會同十卷

不知作者集百忌總聖集正三書

萬歷會同三卷

案文獻通攷作三十卷

陳從古撰以前書推廣之書坊售利之具也

彈冠必用一卷

周渭撰

案文獻通考渭作謂

專為宦游擇日設

三厯撮要一卷

無名氏又一本名擇日撮要厯大畧皆同建安徐清

叟宜翁云

案文獻通考宜作真

其尊人尚書公應龍所輯不欲

著名

陰陽備用十二卷

通判舒州新安胡舜申汝嘉撰此書本為地理形法

而諸家選時日法要皆在焉故附於此

珞琰子一卷

此書祿命家以為本經其言鄙俚閭巷賣卜之所為也

壺中賦一卷

稱紫雲溪壺中子莫知何人

源髓歌六卷後集三卷

唐沈芝撰後集妄也

太一命訣一卷

金
稱袁天綱妄人假託

五星命書一卷

不著名氏歌訣頗詳然未必驗也

五星三命指南十四卷

亦不知名氏大抵書坊售利俗師為之

聿斯歌一卷

案文獻通攷有聿斯歌一卷原本作聿欺誤今改正

青羅山布衣王希明撰不知何人

靈臺三十六歌一卷

稱武平先生亦不知何人

五星六曜約法一卷

洞微歌一卷

紫宙經一卷

以上三種皆無名氏

四門經一卷

唐待詔陳周輔撰

青羅立成歷一卷

司天監朱奉奏據其歷起貞元十年甲戌入歷至今
乾寧四年丁巳則是唐末人

羅計二隱曜立成歷一卷

稱大中大夫曹士蒞亦莫知何人但云起元和元年
入歷

諸家五星書一卷

雜錄五星祿命之說前數家亦多在焉

遁甲八門命訣一卷

不知名氏

信齋百中經一卷

不著名氏安慶府本術士言最善

怡齋百中經一卷

東陽術士曹東野自言今世言五星者皆用唐顯慶
歷歷法更本朝前後無慮十餘變而百中經猶守舊
歷安得不差於是用見行歷法推算其說如此未之
能質也

五行精紀三十四卷

清江鄉貢進士廖中撰周益公為之序集諸家三命說

三辰通載三十四卷

嘉禾錢如璧編集五星命術

卜筮類

易林十六卷

漢小黃令梁焦延壽贛撰又名大易通變唐會昌丙

寅越五雲谿王俞序凡四千九十六卦其辭假出於
經史其意雅通於神祇蓋一卦可以變六十四也舊
見沙隨程迥所記南渡諸人以易林筮國事多奇驗
求之累年寶慶丁亥始得之莆田皆韻語古雅頗類
左氏所載繇辭或時援引古事間嘗筮之亦驗頗恨
多脫誤嘉熙庚子從湖守王寺丞侑借本兩相校十
得八九其中亦多重複或諸卦數爻共一繇莫可攷
也

易傳積算法雜占條例一卷

漢京房撰詳已見易類世所傳京氏遺學不過如此而已今世卜者世應飛伏納甲之類皆出京氏

周易版詞一卷

不知名氏當是漢魏以前人所為其間官名皆東京制也

周易元悟一卷

題李淳風撰

火珠林一卷

無名氏今賣卜者擲錢占卦盡用此書

揲著古法一卷

開封鄭克武子撰

著卦辨疑序三卷

郭雍撰自序略言學者相傳謂九為老陽七為少陽
六為老陰八為少陰及觀乾爻稱九坤爻稱六則九
六為陰陽蓋無疑也而六子皆稱九六不言七八則

少陰少陽未有所據及攷乾坤之策曰乾之策二百一十有六坤之策百四十有四六之一則乾爻得三十六坤爻得二十四是則老陰老陽之數也又攷二篇之策陽爻百九十有二以三十六乘之積六千九百十有二陰爻百九十有二以二十四乘之積四千六百八合之為萬有一千五百二十則二篇之策亦皆老陰老陽之數也而少陰少陽之數又無所見再置陽爻百九十有二以少陽二十八乘之積五千三

百七十六再置陰爻百九十有二以少陰三十二乘之積六千一百四十四合之亦為萬有一千五百二十以是知少陰少陽之數隱於老陰老陽之中如是則七九皆為陽六八皆為陰其畫為奇為耦皆同聖人畫卦初未必以陰陽老少為異然卜史之家欲取動爻之後卦故分別老少之象與聖人畫卦之道已不同矣然七九為陽六八為陰蓋謂陰陽各有二道與說卦言立天之道曰陰與陽立地之道曰柔與剛

其義皆同是道也以聖人不明載之繫辭後世紛紛互相矛盾至有大失聖人之意者大率多主卜史之論不知所謂策數遂妄為臆說也

六壬翠羽歌一卷

後唐長興中僧令岑撰錯誤極多未有他本可校

京氏參同契律歷志一卷

虞翻注專言占象而不可盡通字亦多誤未有別本

校

京氏易式一卷

晁說之以道撰

六壬洞微賦一卷

不知名氏瞽卜劉松年所傳

形法類

八五經一卷

序稱大將軍記室郭璞後序言余受郭公囊書數篇
此居一公戒以祕之丞相王公盡索余書余以公言

告之得免未稱太興元年六月蓋晉元帝時王公謂導也然皆依託爾其書為相墓作八五者其五行八卦之謂歟

狐首經一卷

不著名氏稱郭景純序亦依託也胡汝嘉始序而傳之其文亦雅馴言頗有理陰陽備用中全載

續葬書一卷

稱郭景純鄙俗依託

地理小

原本缺

一卷

稱李淳風亦未必然

洞林照膽一卷

范越鳳撰又名洞林別訣相傳為縉雲人家於將樂

地理口訣一卷

不知何人所集曰楊筠松曾楊乙黃禪師左仙朱仙
桃范越鳳劉公賴太素張師姑王吉凡十家

楊公遺訣曜金歌并三十六象圖一卷

楊即筠松也人號楊救貧

神龍鬼砂一卷

羅星妙論一卷

皆不知作者

九星賦一卷

題范公

龍髓經一卷

疑龍經一卷

辨龍經一卷

龍髓別旨一卷

九星祖局圖一卷

五星龍祖一卷

二十八禽星圖一卷

以上七種皆無名氏并前諸家多吳炎錄以見遺江
西有風水之學徃徃人能道之

雜相書一卷

凡二十三種

案文獻通攷作三十二種

又有拾遺亦吳晦父所錄

成和子觀妙經一卷

不著名氏

希夷先生風鑑一卷

案文獻通攷風作龜

逸人毫社陳搏圖南撰劉康國注館閣書目作人倫

風鑑

諸家相書五卷

知莆田縣昭武黃唐毅夫撰集

案文獻通攷黃唐作黃庚

玉管神照一卷

無名氏

集馬相書一卷

光祿少卿孫珪撰

相鶴經一卷

稱浮丘公撰

相貝經一卷

不知作者

師曠禽經一卷

稱張華注

直齋書錄解題卷十二

欽定四庫全書薈要卷九千七百十九

史部

直齋書錄解題卷十三

宋 陳振孫 撰

醫書類

黃帝內經素問二十四卷

黃帝與岐伯問答三墳之書無傳尚矣此固出於後

世依託要是醫書之祖也唐太僕令王冰注

案冰原本作氷

今據文獻通攷改正

自號啓元子案漢志但有黃帝內外經至

隋志乃有素問之名又有全元起素問注八卷嘉祐

中光祿卿林億國子博士高保衡承詔校定補注亦
頗采元起之說附見其中其為篇八十有一王砮者
寶應中人也

難經二卷

案文獻通
攷作五卷

渤海秦越人撰濟陽丁德用補注漢志亦但有扁鵲
內外經而已隋志始有難經唐志遂題云秦越人皆
不可攷德用者乃嘉祐中人也序言太醫令呂廣重
編此經而楊元操復為之注覽者難明故為補之且

間為之圖八十一難分為十三篇而首篇為診候最
詳凡二十四難蓋脉學自扁鵲始也難當作去聲讀
脉訣機要三卷

晉太醫令高平王叔和撰通真子注并序不著名氏
熙寧以後人也

脉要新括一卷

案宋史藝文
志作二卷

通真子撰以叔和脉訣有詭詭鄙俗處疑非叔和作
以其不類故也乃作歌百篇案經為注又自言嘗為

傷寒括要六十篇其書未之見

傷寒論十卷

漢長沙太守南陽張機仲景撰建安中人其文辭簡古奧雅又名傷寒卒病論凡一百一十二方古今治傷寒者未有能出其外也

金匱要畧三卷

案文獻通攷作金匱玉函經八卷

張仲景撰王叔和集林億等校正此書王洙於館閣蠹簡中得之曰金匱玉函要畧方上卷論傷寒中論

雜病下載其方并療婦人乃錄而傳之今書以逐方
次於證候之下以便檢用所論傷寒文多節畧故但
取雜病以下止服食禁忌二十五篇二百六十二方
而仍其舊名

中藏經一卷

漢譙郡華陀元化撰其序稱應靈洞主少室山鄧處
中自言為華先生外孫莫可攷也

巢氏病源論五十卷

案文獻通攷作巢
氏病源候論五卷

隋太醫博士巢元方等撰大業六年也惟論病證不載方藥今案千金方諸論多本此書業醫者可以叅攷

聖濟經十卷

政和御製辟廱學生昭武吳昶注

醫門玉髓一卷

不知作者皆為歌訣論五藏六腑相傳之理

醫經正本書一卷

知進賢縣沙隨程迥可久撰專論傷寒無傳染以救
薄俗骨肉相棄絕之敝

醫說十卷

新安張杲季明撰

案文獻通
攷杲作景

食治通說一卷

東甌婁居中撰臨安藥肆金藥曰者有子登第以恩

得初品官趙忠定丞相跋其後書凡六篇

案文獻通
攷作十六

篇大要以為食治則身治此上工醫未病之一術也

治病須知一卷

不知名氏專論外證以用藥之次第為不能脈者設也

五運指掌賦圖一卷

葉玠撰

大觀本草三十一卷

唐慎微撰不知何人仁和縣尉艾晟作序名曰經史證類本草案本草之名始見漢書平帝紀樓護傳舊

經止一卷藥三百六十五種陶隱居增名醫別錄亦
三百六十五種因注釋為七卷唐顯慶又增一百十
四種廣為二十卷謂之唐本草開寶中又益一百三
十三種蜀孟昶又嘗增益謂之蜀本草及嘉祐中掌
禹錫林億等重加校正更為補注以朱墨書為之別
凡新舊藥一千八十二種蓋亦備矣今慎微頗復有
所增益而以墨蓋其名物之上然亦殊不多也

本草衍義十卷

案文獻通攷作本草廣義二十卷

通直郎寇宗奭撰援引辨證頗可觀采

紹興校定本草二十二卷

醫官王繼先等奉詔撰紹興二十九年上之刻板修
內司每藥為數語辨說淺俚無高論

本草節要三卷明堂鍼灸經二卷膏肓灸法二卷

清源莊綽季裕集

肘後百一方三卷

晉葛洪撰梁陶隱居增補本名肘後救卒方率多易

得之藥凡八十六首陶併七首加二十二首共為一百一首取佛書人有四大一大輒有一百一病之義名之

千金方三十卷

唐處士京兆孫思邈撰自為之序名曰千金備急要方以為人命至重有貴千金一方濟之德踰於此其前類例數十條林億等新纂

千金翼方三十卷

孫思邈撰千金方既成恐其或遺也又為此以翼之亦自為序其末兼及禁術用之亦多驗

外臺秘要方四十卷

唐鄴郡太守王燾撰

案原本誤作壽今據文獻通攷改正

自為序天寶

十一載也其書博采諸家方論如肘後千金世尚多有之至於小品深師崔氏許仁則張文仲之類今無傳者猶間見於此書大凡醫書之行於世皆仁廟朝所校定也按會要嘉祐二年置校正醫書局于編修

院以直集賢院掌禹錫林億校理張洞校勘蘇頌等
並為校正後又命孫奇高保衡孫兆同校正每一書
畢即奏上億等皆為之序下國子監板行并補注本
草修圖經千金翼方金匱要略傷寒論悉從摹印天
下皆知學古方書嗚呼聖朝仁民之意溥矣

案補注本草以

下數句原本有脫誤
今據文獻通攷校補

太平聖惠方一百卷

太平興國七年詔醫官使尚藥奉御王懷隱

案宋史藝文志

作王懷德等編集御製序文淳化三年書成

王氏博濟方三卷

案文獻通攷作五卷

太原王袞撰慶歷七年序

藥準一卷

潞公文彥博寬夫撰所集方纔四十首以為依本草而用藥則有準故以此四十方為處方用藥之準也

孫氏傳家祕寶方三卷

尚藥奉御太醫令孫用和集其子殿丞中兆父子皆

以醫名自昭陵時迄於熙豐無能出其右者元豐八年兆弟宰為河東漕屬呂惠卿帥并從宰得其書序而刻之兆自言為思邈之後晁氏讀書志作孫尚祕寶方凡十卷

靈苑方二十卷

沈括存中撰

蘇沈良方十卷

蘇者東坡沈即存中也不知何人所錄其間辨雜舌

香一段言靈苑所辨猶有未盡者館閣書目別有沈氏良方十卷蘇沈良方十五卷而無靈苑方

正俗方一卷

知虔州長樂劉彛執中撰以虔俗信巫無醫藥集此方以教之

奉親養老書一卷

泰州興化令陳直撰

案文獻通攷直作真

元豐中人

養生必用書三卷

案文獻通攷作十六卷

靈泉山初虞世和甫撰紹聖丁丑序

尊生要訣二卷

即初虞世四時常用要方有廬山陳淮者復附益焉
龐氏家藏祕寶方五卷

蘄水龐安時安常撰安時以醫名世所著書傳於世
者惟傷寒論而已此書南城吳炎晦父錄以見遺
傷寒微旨論二卷

不著作者序言元祐丙寅必當時名醫也其書頗有

發明

錢氏小兒藥證真訣三卷

太醫丞東平錢乙仲陽撰宣教郎大梁閻季忠集上
卷言證中卷叙嘗所治病下卷為方季忠亦頗附以
己說且以劉斯立所作仲陽傳附於末宣和元年也
小兒斑疹論一卷

東平董汲及之撰錢乙元祐癸酉題其末

腳氣治法一卷

董汲撰

指迷方三卷

考城王貺子亨撰吳丞相敏為之序貺為南京名醫
宋毅叔之壻宣和中以醫得幸至朝請大夫

傷寒救俗方一卷

寧海羅適正之尉桐城民俗惑巫不信藥羅以藥施
人多愈遂以方書召醫叅校刻石以救迷俗紹興中
有王世臣彥輔者序之以傳

南陽活人書十八卷

案文獻通攷作二十卷

朝奉郎直秘閣吳興朱肱翼中撰以張仲景傷寒方論各以類聚為之問答本號無求子傷寒百問方有武夷張藏作序易此名仲景南陽人而活人者本華陀語也肱祕丞臨之子中書舍人服之弟亦登進士科

九齋衛生方三卷

宣和宗室忠州防禦使士紆撰

治風方一卷

張耒文潛所傳凡三十二方

小兒醫方妙選三卷

成安大夫惠州團練使張渙撰凡四百二十方渙五世為小兒醫未嘗改科靖康元年自為之序

雞峯備急方一卷

太醫局教授張銳撰紹興三年為序大抵皆單方也

產育保慶集一卷

濮陽李師聖得產論二十一篇有其說而無其書醫學教授郭稽中以方附諸論之末遂為全書近時括蒼陳言嘗評其得失於三因方婺醫杜牧者又附益之頗為詳備

本事方十卷

維揚許叔微知可撰紹興三年進士第六人以藥餌陰功見於夢寐事載夷堅志晚歲取平生已試驗之方併記其事實以為此書取本事詩詞之例以名之

傷寒歌三卷

許叔微撰凡百篇皆本仲景法又有治法八十一篇
及仲景脉法三十六圖翼傷寒論二卷辨類五卷皆
未見

指南方二卷

蜀人史堪載之撰凡三十一門各有論

楊氏方二十卷

樞密楊倓子靖以家藏方一千一百十有一首刻之

當塗世多用之

本草單方三十五卷

工部侍郎宛丘王侯碩父撰取本草諸藥條下所載單方以門類編之凡四千二百有六方

何氏方二卷

太常博士括蒼何偁德揚撰

洪氏方一卷

鄱陽洪氏

莫氏方一卷

刑部郎中吳興莫伯虛致道刻博濟方於永嘉而以其家藏經驗方附於後

備急總效方四十卷

知平江府溧陽李朝正撰大抵皆單方也

是齋百一選方三十卷

山陰王璆孟玉撰百一者言其選之精也

三因極一方六卷

括蒼陳言無擇撰三因者內因外因不內外因其說出金匱要略其所述方論徃徃皆古書也

小兒保生方三卷

左司郎姑孰李樾與幾撰

傷寒要旨二卷

李樾撰列方於前而類證於後皆不外仲景

漢東王氏小兒方三卷

案文獻通攷作二卷

不著名

幼幼新書五十卷

直龍圖閣知潭州劉昉方明撰集刊未畢而死徐璣
壽卿以漕攝郡趣成之

大衍方十二卷

朝散大夫孫紹遠稽仲撰凡藥當豫備者四十九種
故名大衍所在易得者不與焉諸方附於後

海上方一卷

不著名氏括蒼刻本館閣書目有此方云乾道中知

處州錢竽編

集効方一卷

南康守李觀民集

胎產經驗方一卷

陸子正撰集

葉氏方三卷

太社令延平葉大廉撰

胡氏方一卷

不著名

傳信適用方二卷

稱拙庵吳彥夔淳熙庚子

陳氏手集方一卷

建安陳抃

選奇方十卷後集十卷

青田余綱堯舉撰

傷寒瀉痢要方一卷

直龍圖閣長樂陳孔碩膚仲撰

湯氏嬰孩妙訣二卷

東陽湯衡撰衡之祖民望精小兒醫有子曰麟登科

衡麟之子克邃祖業為此書九十九篇

太平惠民和劑局方六卷

案文獻通攷作十卷
宋史藝文志作五卷

庫部郎中陳師文等校正凡二十一門二百九十七
方其後時有增補

諸家名方二卷

福建提舉司所刊市肆常貨而局方所未收者

易簡方一卷

永嘉王碩德膚撰增損方三十首
呔咀藥三十品
市肆常貨圓子藥十種
以為倉卒應用之備
其書盛行於世

四時治要方一卷

永嘉屠鵬時舉撰專為時疾瘧痢吐瀉傷寒之類
雜病不與焉

治奇疾方一卷

夏子益撰凡三十八道皆奇形怪證世間所未見者
傷寒證類要畧二卷玉鑑新書二卷

汴人平堯卿撰專為傷寒而作皆仲景之舊也亦別
未有發明

瘡疹證治一卷

金華謝天錫撰

產寶諸方一卷

不著名氏集諸家方而以十二月產圖冠之

纂要備急諸方一卷

不知何人集皆倉卒危急所須藥及雜術也

摘要方一卷

傷寒十勸及危證十病未載托裏十補散方

劉涓子神仙遺論十卷

東蜀刺史李頔錄按中興書目引崇文總目云宋龔

慶宣撰劉涓子者晉末人於丹陽縣得鬼遺方一卷

皆治癰疽之法慶宣得而次第之今按唐志有龔慶
宣劉涓子男方十卷未知即此書否卷或一板或止
數行名為十卷實不多也

衛濟寶書一卷

稱東軒居士不著名氏治癰疽方也

外科保安方三卷

知興化軍毫社張允蹈家藏方龔參政茂良劉太史
夙為之序跋

五發方論一卷

不知名氏亦吳晦父所錄

李氏集驗背疽方一卷

泉江李迅嗣立撰凡五十二條其論議詳盡曲當

直齋書錄解題卷十三

欽定四庫全書薈要卷九千七百二十

史部

直齋書錄解題卷十四

宋 陳振孫 撰

音樂類

劉歆班固雖以禮樂著之六藝畧要皆非孔氏之舊也然三禮至今行於世猶是先秦舊傳而所謂樂六家者影響不復存矣竇公之大司樂章既已見於周禮河間獻王之樂記亦已錄於小戴則古樂已不復有書而前志相承迺取樂

府教坊琵琶羯鼓之類以充樂類與聖經並列
不亦悖乎晚得鄭子敬氏書目獨不然其為說
曰儀注編年各自為類不得附於禮春秋則後
之樂書固不得列於六藝今從之而著於子錄
雜藝之前

琴說一卷

唐工部尚書李勉撰

琴書三卷

唐待詔趙惟陳撰稱前進士滁州全椒尉

琴經一卷

托名諸葛亮淺俚之甚

琴說一卷

唐待詔薛易簡撰衡州耒陽尉

琴義一卷

稱野人劉籍撰

琴三訣一卷

稱天台白雲先生

指訣一卷

唐道士趙邪利撰一名彈琴古手法

琴操一卷

不著名氏中興書目云晉廣陵守孔衍以琴調周詩
五篇古操引共五十篇述所以命題之意今周詩篇
同而操引財二十一篇似非全書也

琴曲詞一卷

不知作者凡十一曲辭皆鄙俚

琴史六卷

吳郡朱長文伯原撰唐虞以來迄于本朝琴之人與事備矣

製琴法一卷

不知何人撰

大胡笳十九拍一卷

題隴西董庭蘭撰連劉商辭又云祝家聲沈家譜不

可曉也

案文獻通攷又有小胡笳子十九拍一卷引崇文總目云琴曲有大小胡笳大胡笳十八

拍沈遼集世名沈家聲小胡笳又有契聲一拍共十九拍謂之祝家聲此題曰大胡笳十九拍疑有誤

琴譜八卷

鄞學魏邱舊書有之已卯分教傳錄亦並以他所得

譜

琴操譜十五卷調譜四卷

參政歷陽張巖肖翁以善鼓琴聞一時余從其子必得此譜

琴譜十六卷

新昌石孝隆君大所錄

羯鼓錄一卷

唐婺州刺史南卓撰

琵琶故事一卷

段安節撰

案以上二條文獻通考引陳氏之言原本脫漏今補入

景祐樂府奏議一卷

殿中丞致仕胡瑗翼之撰

皇祐樂府奏議一卷

胡瑗撰

三聖樂書一卷

宋祁子京撰

景祐廣樂記八十卷

翰林院侍講學士馮元等撰闕八卷景祐元年判太常寺燕肅建言鍾律不調欲以王朴律準更加攷詳詔宋祁與集賢校理李照共領其事照言朴律太高

比之古樂約高五律遂欲改定大樂制管鑄鍾并引
校理聶冠卿為檢討官又詔元等修撰樂書為一代
之典三年七月書成然未幾照樂廢不用

皇祐新樂圖記三卷

屯田員外郎阮逸光祿寺丞胡瑗撰凡十二篇首載
詔旨次及律度量衡鐘磬鼓鼗鸞刀圖其形製刊校
頒之天下虎丘寺有本當時所頒藏之名山者也其
末志頒降歲月寔皇祐五年十二月二十一日用蘇

州觀察使印長貳押字余平生每見承平故物未嘗不起敬因錄藏之一切依元本摹寫不少異

大樂演義三卷

案文獻通攷大樂演義上有補亡樂書三卷

成都房審權撰皇祐中宋祁田況薦益州進士房庶曉音律上其樂書補亡三卷庶自言得古本漢書云度起於黃鍾之長以子穀秬黍中者一黍之起積一千二百黍之廣度之九十分黃鍾之長一為一分今本脫之起積一千二百黍八字故前世累黍為尺以

制律是律生於尺非尺生於律也且一為一分者蓋
九十分之一也後世誤以一黍為一分非是當以秬
黍中者一千二百實管中黍盡得九十分為黃鍾之
長九寸加一以為尺則律定矣惟范鎮是之時胡瑗
阮逸制樂已有定議遂格不行詳見國史律厯志審
權庶之子也元豐四年為此書以述父之意其後元
祐初范蜀公老矣自為新樂奏之於朝盖用其說云

樂書二百卷

祕書省正字三山陳暘晉之撰建中靖國元年進之
為禮書陳祥道者其兄也其書雅俗胡部音器歌舞
下及優伶雜戲無不備載博則博矣未免於蕪穢也
賜紹聖元年制科終禮部侍郎

大晟樂書二十卷

大中大夫開封劉炳子蒙撰大晟者本方士魏漢津
妄出新意以祐陵指節定尺律傳會身為度之說炳
為大司樂精為緣飾又有圖譜一卷

隆韶導和集一卷

案文獻通攷題隆韶道百和集誤

保義郎大晟府案協律姚公立撰以律呂節氣陰陽為說凡四十九條

雜藝類

九鏡射經一卷

案文獻通攷九鏡作几鏡

唐檢校太子詹事韋韞撰制弓矢法三篇射法九篇射訣一卷

韋韞撰叙其學射之初有張宗者授之訣遂著於篇

射評要略一卷

稱李廣撰固依託也而亦鄙淺亡奇

射訓一卷

監察御史張仲殷撰中興書目云本朝人果也不應

名犯廟諱

射議一卷

元城王越石仲寶撰凡七條

增廣射譜七卷

淳熙中詔進士習射書坊為此以射利末二卷為盧
宗邁射法亦簡要可觀

書品七卷

梁度支尚書庾肩吾撰

書評一卷

梁侍中袁昂撰

藥石論一卷

唐昇州司馬張懷瓘撰

六體論一卷

書斷三卷

書估一卷

論書一卷

以上四種亦皆張懷瓘撰

翰林禁書三卷

無名氏

案文獻通考有翰林禁經八卷引晁公武讀書志曰唐李陽冰撰論書勢筆法所禁故以

名書疑即此書也

書後品一卷

唐御史中丞李嗣真撰

墨藪一卷

案文獻通攷作十卷

不知何人所集凡十八篇又一本二十一篇

古今法書苑十卷

主客郎中臨淄周越撰越與兄起皆有書名起書未

見越書間有之俗甚

案越書二句原本脫去今據文獻通攷補入

金壺記一卷

僧適之撰集書家故事以二字為題而注所出於其
下凡三百餘條

書史一卷

禮部員外郎米芾元章撰

祕閣法帖跋一卷

米芾撰

翰墨志二卷

高宗皇帝御製

法帖刊誤二卷

黃伯思長睿撰淳化法帖出於待詔王著去取時祕府墨跡真贋雜居著不能辨也但欲備晉宋間名跡遂至以江南人一手偽帖竄入其間鄙惡之甚米南宮辨之十已得七八至長睿益精詳矣

籀史二卷

翟耆年伯壽撰裒諸家鐘鼎圖說為一編頗有考究續書譜一卷

鄱陽姜夔堯章撰

絳帖評一卷

姜夔撰

法帖要錄十卷

唐大理卿河東張彥遠愛賓撰彥遠宏靖之孫三世相門其父文規嘗刺湖州著吳興雜錄

飛白叙錄一卷

錢惟演希聖撰天聖四年序進

蘭亭博議十五卷

淮海桑世昌澤卿撰世昌居天台放翁陸氏諸甥也
博雅能詩又嘗為西湖紀逸考林逋遺事甚詳

蘭亭考十二卷

即前書浙東庾司所刻視初本頗有刪改初十五篇
今存十三篇去其集字篇後人集蘭亭字作書帖詩
銘之類者又附見篇兼及右軍他書蹟於樂毅論尤
詳其書始成本名博議高內翰文虎炳如為之序及

其刊也其子似孫主為刪改去此二篇固當而其他
務從省文多失事實或戾本意其最甚者序文本亦
條達可觀亦竄改無完篇首末闕漏文理斷續於其
父猶然深可怪也此書累十餘卷不過為晉人一遺
帖自是作無益玩物喪志本無足云其中所錄諸家
跋語有昭然偽妄而不能辨者未暇疏舉

法書撮要十卷

吳興蔡端山父撰以書家事實分門條類亦無所發

明淳熙中人云紹聖御史之孫吾鄉不聞有此人也
當攷然其名嵩而字山父嵩者物之初生從少不從
山也

案少原本作而誤文獻通攷自紹聖御史以下俱刪去今據文義改正

偏旁之未

審何取其為法書余於小學家點書法於雜藝有以
也

武岡法帖釋文二十卷

案文獻通攷作十卷

劉次莊元祐中為官帖釋文刻石於臨江而武岡又
嘗傳刻絳州民潘氏帖嘉定中汪立中取劉本分入

二十卷中官帖所無者增附之

書苑菁華二十卷

臨安書肆陳忠者集

齊梁畫目錄一卷

唐竇蒙子泉錄

案此條原本脫去今據文獻通攷補入

古今畫人名一卷

唐李嗣真錄

唐朝畫斷一卷

唐翰林學士朱景元撰一名唐朝名畫錄前有目錄

後有天聖三年商宗儒後序與畫斷大同小異

案一
名唐

朝名畫錄以下原本刪
去今據文獻通攷補入

歷代名畫記十卷

唐張彥遠撰彥遠家世藏法書名畫收藏鑒識自謂
有一日之長既作法書要錄又為此記且曰有好事
者傳余二書書畫之事畢矣

五代名畫記

大梁劉道醇撰嘉祐四年陳洵直序

案洵文獻通攷作洵

聖朝名畫評一卷

案文獻通攷作三卷

劉道醇撰

益州名畫錄三卷

黃休復撰中興書目以為李略撰而謂休復書今亡

案此書有景祐三年序不著名氏其為休復所錄明

甚又有休復自為後序則固未嘗亡也未知題李略

者與此同異

案文獻通攷有益州名畫錄三卷載陳氏之言此本脫去今補入

山水受筆法一卷

唐沁水荆浩浩然撰

圖畫見聞志六卷

太原郭若虛撰元豐中自序稱大父司徒公未知何人郭氏在國初無顯人但有郭承祐耳其書欲繼張彥遠之後

畫史一卷

米芾撰

德隅堂畫品一卷

李廌方叔撰趙令時德麟官襄陽行橐中諸畫方叔皆為評品之元符元年也

林泉高致集一卷

直徽猷閣待制河陽郭思撰其父熙字淳夫善畫思元豐五年進士既貴追述其父遺迹事實待制許光疑為之序曰畫訓畫意畫題畫訣

案文獻通考畫訓上多畫記二字

而序又稱詩歌贊記詔誥銘誌今本闕

廣川畫跋五卷

董道撰

畫繼十卷

鄧椿公壽撰以繼郭若虛之後張彥遠記止會昌元年若虛志止熙寧七年今書止乾道三年

文房四譜五卷

參政梓潼蘇易簡太簡撰

欽硯圖譜一卷

太子中舍知婺源縣唐積撰治平丙午歲

案歙硯圖譜以下三

種俱係洪适撰其弟邁有跋可證此以歙硯圖譜為唐積撰而下二種俱不知名氏文獻通攷宋史藝文志及說郛遂因之然适本有譜無圖或圖係唐積所補邪

歙硯說一卷又辨歙石說一卷

皆不著名氏

墨苑三卷

趙郡李孝美伯揚撰曰圖曰式曰法元符中馬涓李元膺為之序

硯史一卷

朱芾撰

閑堂雜記四卷

不著名氏述文房四譜而首載唐氏硯錄

硯箋一卷

高似孫撰

續文房四譜五卷

司農卿李洪秀穎撰

案文獻通考馬端臨曰晁陳二家書錄以醫相牛馬茶經酒譜

之屬俱入雜藝術門蓋仍諸史之舊原本自論畫以下至博戲酒令皆附音樂之末與馬氏所言互異蓋係誤編今以評畫及文房之類次於書法而香譜以下俱附算學之後庶有次第

算經三卷

案文獻通攷作一卷

夏侯陽撰大抵乘除法隋志二卷唐志一卷甄鸞注今本無注元豐京監本

算經三卷

張丘建撰有序首言算者不患乘除之為難而患分之為難是以序列諸分之本原宣明約通之要法案

唐志作一卷甄鸞注今本稱漢中郡守前司隸甄鸞
注太史令李淳風等注釋算學博士劉孝孫撰細草
細草者乘除法實之詳悉也

應用算法一卷

夷門叟郭京元豐三年序稱平陽竒士蔣舜元撰凡
八篇曰釋數田畝粟米端匹斤秤修築差分雜法總
為百五十七門前志在厯算類案射御書數均一藝
也不專為厯算設故列於此

香譜一卷

不知名氏

萱堂香譜一卷

稱侯氏萱堂而不著名

香嚴三昧一卷

案文獻通考作十卷

不知名氏

茶經一卷

案文獻通考作三卷

唐陸羽鴻漸撰羽自號竟陵子又號桑苧翁

煎茶水記一卷

唐涪州刺史張又新撰

案館閣書目作江州刺史

本刑部侍郎劉

伯芻稱水之與茶宜者凡七等又新復言得李季卿所筆錄陸鴻漸水产品凡二十歐公大明水記嘗辨之今亦載卷末余足跡所至不廣於水产品僅嘗三四若惠山泉甘美置之第二不忝特未知康王谷水何如爾其次吳松第四橋水亦不惡虎丘劍池殊未佳而在第四已不可曉至於雪水清甘絕佳而居其末尤

不可曉也大抵水活而後宜茶活而不清潔猶不宜
故乳泉石池漫流者為上案乳文獻通攷作浮為其活且潔也
若夫天一生水炁為雲雨水之活且潔者何以過此
余嘗用淨器承雨水試以烹煎不減雪水故知又新
之說妄也

茶譜一卷

後蜀毛文錫撰

北苑拾遺一卷

劉昇撰

案昇文獻通攷及宋史藝文志俱作昇

慶厯元年序

補茶經一卷

知建州周絳撰當大中祥符間

茶山節對一卷

攝衢州長史蔡宗顏撰

宣和北苑貢茶錄一卷

建陽熊蕃叔茂撰其子克又益寫其形製而傳之

酒譜一卷

汶上竇革叔野撰其人即著唐書音訓者

北山酒經三卷

大隱翁撰

泉志十五卷

洪遵景伯撰記歷代錢貨

浸銅要略一卷

張甲撰稱德興草澤紹聖元年序蓋膽水浸鐵成銅
之始甲參政子公之祖

治金錄

原闕卷

泉司吏所為也

案此條原本脫去今據文獻通攷增入又卷數通攷原闕

彈棊經一卷

題張柬之撰

五木經一卷并圖例

唐李翱撰元革注盖古樗蒲之戲也

三象戲圖一卷

汲陽成師仲編

打馬格局一卷

無名氏

打馬圖式一卷

鄭寅子敬撰用五十馬

打馬賦一卷

易安李氏撰用二十馬以上三者各不同今世打馬
大約與古之樗蒲相類

譜雙十卷

洪遵集此戲今人不復為

進士采選一卷

趙明遠景昭撰此元豐未改官制時遷轉格例也

希古集一卷

括蒼何宗姚取投壺新舊式及馮氏射法為一編

忘憂清樂集一卷

綦待詔李逸民撰集

通遠集一卷

無名氏視清樂為畧

象碁神機集一卷

稱於陽葉茂卿撰

案文獻通攷於陽作杉陽

釣鰲圖一卷

採珠格局一卷

勸酒玉燭詩一卷

皆無名氏

捉臥甕人事數一卷

李庭中撰以上四種皆酒邊雅戲

類書類

語麗十卷

梁湘東王功曹參軍朱澹遠撰採摭書語之麗者為四十門案前志但有雜家而無類書新唐書志始別出為一類此書乃猶列雜家要之寔類書也但其分門類無倫理澹遠又有語對一卷不傳

修文殿御覽三百六十卷

北齊尚書左僕射范陽祖珽孝徵等撰案唐志類書
在前者有皇覽類苑華林遍畧等六家今皆不存則
此書當為古今類書之首珽之行事姦貪凶險盜賊
小人之尤無良者言之則污口舌而其所編集乃獨
至今傳於世然珽嘗以他人所賣遍畧質錢受杖又
嘗盜官遍畧一部坐獄論罪今書母乃亦盜遍畧之
舊以為已功耶遍畧者梁徐僧權所為也又案隋志
作聖壽堂御覽卷數同聖壽者寔齊後主所居

北堂書鈔一百六十卷

案文獻通攷作一百七十三卷

唐秘書監餘姚虞世南伯施撰其書成於隋世

藝文類聚一百卷

唐弘文館學士長沙歐陽詢信本撰案唐志令狐德
棻趙宏智等同修其所載詩文賦頌之屬多今世所
無之文集

初學記三十卷

唐集賢院學士長城徐堅元固撰

六帖三十卷

唐太子少傅太原白居易撰唐志作白氏經史事類
一名六帖醉吟先生墓誌云又著事類集要三十部
時人目為白氏六帖

金鑰二卷

唐太學博士河內李商隱義山撰分四部曰帝室職
官歲時州府大畧為牋啓應用之備

玉屑十五卷

無名氏

蒙求三卷

唐李翰撰本無義例信手肆意雜襲成章取其韻語
易於訓誦而已遂至舉世誦之以為小學發蒙之首
事有甚不可曉者余家諸子在祿未嘗令誦此也

戚苑纂要十卷

案原本作戚畹文獻通攷作戚
英俱誤今據唐書藝文志改正

唐劉揚名撰皆集內外宗族姻親故事

戚苑英華十卷

唐仙居令袁悅撰唐志云重修蓋因揚名之舊而廣之

太平御覽一千卷

翰林學士李昉扈蒙等撰以前代修文御覽藝文類聚文思博要及諸書參詳條次修纂本號太平編類太平興國二年受詔八年書成改名御覽或言國初古書多未亡以御覽所引用書名故也其實不然特因前諸家類書之舊爾以三朝國史攷之館閣及禁

中書總三萬六千餘卷而御覽所引書多不著錄蓋可見矣

鹿門家鈔詩詠五十卷

鴻臚少卿襄陽皮文瓌撰以羣書分類事為詩而注釋之其祖日休有書名鹿門家鈔故今述其名

冊府元龜一千卷

景德二年命資政殿學士王欽若知制誥楊億修歷代君臣事迹八年而成總五十部部有總序一千一

百四門

案文獻通攷作一千二百四門

門有小序賜名製序所采正

經史之外惟取戰國策國語韓詩外傳呂氏春秋管晏韓子孟子淮南子及修文殿御覽每門具進上親覽摘其舛誤多出手書或詔對指示商略

天和殿御覽四十卷

侍讀學士臨川晏殊等天聖中受詔取冊府元龜掇其要者分類為二百十五門

案文獻通攷作一百十五門

天和者

禁中便殿也

類要七十六卷

晏殊撰曾鞏為序案中興書目七十七卷比曾序七十四篇多三篇今此本七十六卷豈併目錄為七十
七耶

事類賦三十卷

校理丹陽吳淑正儀撰進并注

韻類題選一百卷

朝奉大夫知處州鄞袁穀容直撰以韻類事纂集頗

精要世所行書林韻會蓋依倣而附益之者也穀嘉祐六年進士東坡守杭時為倅風月平分之詞為穀作也其後累世登科絜齋燹其四世孫也

本朝蒙求三卷

案文獻通攷作二卷

端明殿學士成都范鎮景仁撰

十七史蒙求一卷

案文獻通攷作二卷

題王先生不著名氏或云王令也

書叙指南二十卷

任廣撰

案文獻通攷作任浚

崇寧中人皆經傳四字語備尺牘

應用者也

史韻四十九卷

嘉禾錢諷正初撰附韻類事頗便檢閱

後六帖三十卷

知撫州孔傳世文撰以續白氏之後也傳襲封衍聖公

海錄碎事三十三卷

知泉州建安葉廷珪撰

皇朝事實類苑二十六卷

知吉州江少虞撰紹興中人其書亦可入小說類

兩漢蒙求十卷

樞密吳興劉珏希范撰紹聖中所序

補注蒙求八卷

徐子光撰以李翰蒙求句為之注本句之外兼及其

人他事

羣書類句十四卷

三山葉鳳撰以羣書新語增廣自五字以至九字為
七百五十一門各以平仄聲為偶對

書林韻會一百卷

無名氏蜀書坊所刻規模韻類題選而加詳焉

幼學須知五卷

餘姚孫應符仲潛撰次此書本書坊所為以教小學
應符從而增廣之

兩漢博聞二十卷

無名氏或云楊侃

班左誨蒙三卷

程俱致道撰

左氏摘奇十三卷

案文獻通攷作十二卷

給事中吳郡胡元質長文撰

諸史提要十五卷

參政吳越錢端禮處和撰泛然鈔錄無義類

漢雋十卷

括蒼林越撰以西漢書分類為十五篇

案文獻通攷作五十篇

皆句字之古雅者雋者取雋永之義也

文選雙字類要三卷

蘇易簡撰摘取雙字以類編集

選腴五卷

天台王若撰以五聲韻編集文選中字淳熙元年序

晉史屬辭三卷

永嘉戴迅簡之撰用蒙求體以類晉事元祐癸酉歲也

觀史類編六卷

呂祖謙撰初輯此篇為六門曰擇善曰儆戒曰閫範曰治體曰論議曰處事而閫範最先成既別行今惟五門而論議分上下卷

帝王經世圖譜十卷

著作佐郎金華唐仲友與正撰凡天文地理禮樂刑

政陰陽度數兵農王霸本之經典兼采傳注類聚羣
分凡百二十二篇

經子法語二十四卷

左傳法語六卷

史記法語十八卷

西漢法語二十卷

後漢精語十六卷

三國精語六卷

晉書精語五卷

南史精語十卷

洪邁撰自博聞誨蒙漢雋摘奇提要及此法語諸書皆所以備遺忘而洪氏多取句法漢雋類例有倫餘皆隨筆信意鈔錄者也

遷史刪改古書異辭十二卷

倪思撰以遷史多易經語更簡嚴為平易體當然也然易辭而失其義書事而與經異者多不可以無攷

故為是編經之外與他書異者亦并載焉

案原本更字以下俱

闕注云元本闕今據文獻通攷補入

馬班異辭三十五卷

倪思撰以班史仍史記之舊而多刪改大抵務趨簡
嚴然或刪而遺其事實或改而失其本意因其異則
可以知其筆力之優劣而又知作史述史之法矣

杜詩六帖十八卷

建安陳應行李陵撰用白氏門類編類杜詩語


錦繡萬花谷四十卷續四十卷

序稱淳熙十五年作而不著名氏門類無倫理序文亦拙

趙氏家塾蒙求二十五卷宗室蒙求三卷

趙彥綏撰

直齋書錄解題卷十四



總校官庶吉士 臣 侍 朝

校對官庶吉士 臣 何思鈞

膳錄貢生 臣 李 垌

膳錄監生 臣 劉 垠